



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Detectio Nvgarvm Lvtheri, Cvm Declaratione Veritatis
Catholicae, Et Confvtatione Dogmatvm Lvtheranorvm**

Bundere, Jan van den

Louanij, 1551

De inconcusso indulgentiarum fundamento. cap. v.

urn:nbn:de:hbz:466:1-35621

DE INCONCVSSO

Similes promulgauit indulgentias pro exterminandis rusticis . Ecce quam negauit Romano Pontifici , sibi arrogat potestatem concedendi indulgentias .

De inconcusso indulgentiarum fundamento . CAP. V.

PHILOMATHES , At mihi ficticium quoddam commentum videntur indulgentiæ seu veniæ .

8
ORTHODOXVS . Non (vt tu calumniaris) baculo arundineo , sed rationi & diuinis eloquijs nituntur , circa opera satisfactoria , q̄ necessaria sunt ad meliorem frugem vitæ à vitijs resipiscenti . Secundum illud Iohelis . Cóuertimini ad me in toto corde vestro , in ieiunio , & fletu , & planctu . Cum dicit Propheeta , Conuertimini , & cæ . nouam subindicat vitam , Cum subnectit in ieiunio & fletu &c . Quid aliud deposcit , nisi opera pœnalia pœnitenti necessaria ? Vbi verò resilienti à peccato hæc defuerint satisfactoria opera , possunt ex thesauro ecclesiæ ei communicari per indulgentias . Potest enim quis pro alio quopiam satisfacere , non secus quàm alterius debitum soluere . Particeps ego sum , inquit Dauid , omnium timentium te . Non in esse meriti . Nullius enim meritum personam propriam

Iohel. 2.

priam transcendit, nisi solius Christi. Qui beatitudinem non sibi, sed nobis meruit. Plenus est enim diuinitatis & gratiæ, de cuius plenitudine omnes accepimus. Membra autem corporis Christi viua, sibi inuicē posunt suffragari mutuis operibus satisfactorijs. Quæ quidem opera satisfactoria etsi suam in sanctis acceperūt mercedem in esse meriti beatitudinis. Non tamen in esse satisfactoria, quum raro ipsi deliquerint in vita. Labores autem plurimos perpessi sint: & hoc seruetur in thesauro ecclesiæ, Et indulgentias vocamus.

Idipsum subindicare videtur Paulus scribens Corinthijs qui iā suas eleemosynas pauperibus Christi elargiti fuerant.

Scitis, inquit, gratiā Domini nostri Iesu Christi ^{2. Cor. 8.} Quoniā propter nos egenus factus est cū esset diues, vt illius inopia vos diuites essetis. Et consilium in hoc do, Non enim vt alijs sit remissio (glo. & in ocio viuant) vobis autem tribulatio scilicet paupertatis, donando omnia. Sed ex æqualitate in presenti tempore vestra abundantia (glo. temporalium) illorum inopiam suppleat, vt & illorum abundantia, qui diuinis vacant vestræ inopiæ sit supplementum, vt fiat equalitas. Egebant enim Christi discipuli diuites in spiritualibus

DE INCONCVSSO

bonis, vt Corinthij eorum corporalem paupertatem subleuant. Corinthij autem abundantes diuitijs corporalibus, egebant spiritualibus bonis, voluit autem Paulus vnus inopiam per alterius suppleri abundantiam.

Hoc fit in indulgentijs dum abundantia operum Christi & sanctorum in esse satisfactorio communicatur pijs hominibus indigentibus. Discretè tamen vt sit ratio quæ suadeat hanc fieri cõmunicatiõem, vt habet Adrianus Papa in quarto titulo de clauibus ecclesiæ.

Hanc ne putes à nobis inuentam communicationem bonorum, docuit eam symbolum Apostolorum, in quo credimus sanctorum communionem, quam inuenimus in indulgentijs.

Istud pium est & indubitata fide tenendum, impium autem est Lutheri commentum dicentis (sine autoritate & ratione) nullius momenti esse Roma. Pontificis indulgentias.

*Si Euangelium Lutheri conueniat cum Christi
Euangelio C A P . V I .*

PHILOMATHES Non immeritò gloriatur sibi Lutherus, in sermone de destructione Hierusalem, euangelium nunc se lucidius clariùsque tradidisse, quam fuerit